

一、关于墓志

唐昭容上官氏墓志一合，青石质，正方形。2013年出土。志主为唐代著名文学家、政治家上官婉儿。

志盖盘顶，高 75、广 73、厚 12.5 厘米。顶面正中阴刻篆书“大唐故昭容上官氏 铭”，三行，行三字。

志石高、广皆 74、厚 15.5 厘米。划细线棋格，阴刻正书 32 行，满行 33 字，共计 982 字。

二、志盖图版


唐昭容上官氏墓志盖



唐昭容上官氏墓志盖

三、墓志图版

唐昭容上官氏墓志



唐昭容上官氏墓志

四、墓志录文

夫道之妙者，乾坤得之而为形质；气之精者，造化取之而为识用。挺埴陶铸，合散消息，不可备之于人。备之于人矣，则光前绝后，千载其一。

婕妤姓上官，陇西上邽人也，其先高阳氏之后，子为楚上官大夫，因生得姓之相继；女为汉昭帝皇后，富贵勋庸之不绝。曾祖弘，随（隋）滕（滕）王府记室参军、襄州总管府属、华州长史、会稽郡赞持、尚书比部郎中，与穀城公吐万绪平江南，授通议大夫。学备五车，文穷三变。曳裾入侍，载清长坂之衣冠；仗剑出征，一扫平江之氛祲。

祖仪，皇朝晋府参军、东阁祭酒、弘文馆学士、给事中、太子洗马、中书舍人、秘书少监、银青光禄大夫、行中书侍郎、同中书门下三品，赠中书令、秦州都督、上柱国、楚国公、食邑三千户。波涛海运，崖岸山高；为木则揉作良弓，为铁则砺成利剑；采摭殫于糟粕，一令典籍困穷；错综极于烟霞，载使文章全盛。至于跨蹶簪笏，谋猷庙堂，以石投水而高视，以梅和羹而独步，官寮府佐，问望相趋，麟阁龙楼，辉光递袭，富不期侈，贵不易交。生有令名，天书满于华屋；没有遗爱，玺诰及于穷泉。

父庭芝，左千牛、周王府属，人物本源，士流冠冕。宸极以侍奉为重，道在腹心；王庭以吐纳为先，事资喉舌。落落万寻之树，方振国风；昂昂千里之驹，始光人望。属楚国公数奇运否，解印褰裳，近辞金阙之前，远窜石门之外，并从流迸，同以忧卒。赠黄门侍郎、天水郡开国公、食邑三千户。访以荒陬，无复滕城之棣；藏之秘府，空余竹简之书。

婕妤懿淑天资，贤明神助。诗书为苑囿，捃拾得其菁华；翰墨为机杼，组织成其锦绣。年十三为才人，该通备于龙蛇，应卒逾于星火。先皇拨乱反正，除旧布新，救人疾苦，绍天明命。神龙元年，册为昭容。以韦氏侮弄国权，摇动皇极。贼臣递构，欲立爱女为储，爱女潜谋，欲以贼党为臣。昭容泣血极谏，扣心竭诚，乞降纶言，将除蔓草。先帝自存宽厚，为掩瑕疵，昭容觉事不行，计无所出。上之，请撻伏而理，言且莫从；中之，请辞位而退，制未之许；次之，请落发而出，卒为挫衄；下之，请饮鸩而死，几至颠坠。

先帝惜其才用，愍以坚贞，广求入腠之医，纡救悬丝之命，屡移拙魄，始就痊平。表请退为婕妤，再三方许。暨宫车晏驾，土宇衔哀。政出后宫，思屠害黎庶；事连外戚，欲倾覆宗

社。皇太子冲规参圣，上智伐谋，既先天不违，亦后天斯应，拯皇基于倾覆，安帝道于艰虞。昭容居危以安，处险以泰。且陪清禁，委运于乾坤之间；遽冒钺锋，亡身于仓卒之际。时春秋四十七。皇鉴昭临，圣慈轸悼，爰造制命，礼葬赠官。太平公主哀伤，赙赠绢五百匹，遣使吊祭，词旨绸缪。以大唐景云元年八月二十四日，窆于雍州咸阳县茂道乡洪渎原，礼也。龟龙八卦，与红颜而并销；金石五声，随白骨而俱葬。其词曰：

巨阙鸿勋，长源远系，冠冕交袭，公侯相继。
爰诞贤明，是光锋锐，宫闱以得，若合符契。【其一】

潇湘水断，宛委山倾，珠沉圆折，玉碎连城。
甫瞻松楸，静听坟莹，千年万岁，椒花颂声。【其二】

五、参考文献

张说：《上官昭容碑铭》

李明、耿庆刚：《唐昭容上官氏墓志》笺释——兼谈唐昭容上官氏墓相关问题，考古与文物，2013,(06)